



# მეშახტე

№15

კომპანიის სიახლეები / ჩვენი თანამშრომლები / ქალაქის აბეები



„საქნახშირი“  
თანამშრომლების  
გადამზადების  
პროგრამა  
მიმდინარეობს

გვ.2

გვ.5



ბასულ ნელს იმერეთში  
2 368 პროექტი  
განხორციელდა

გვ.4



გაიცანით ჩვენი  
თანამშრომლები

გვ.7



თყიბულს მალე  
თანამედროვე სტანდარტების  
ახალი სკოლა ექნება

# „საქნახშირში“ თანამშრომლების გადამზადების პროგრამა მიმდინარეობს

შრომის უსაფრთხოების გაძლიერების მიზნით დაგეგმილი ღონისძიებების ფარგლებში, „საქნახშირში“ თანამშრომლების გადამზადების პროგრამა დაიწყო. პროგრამის მიზანია თანამშრომელთა კვალიფიკაციის ამაღლება შრომისა და ტექნიკური უსაფრთხოების მიმართულებით, რათა მეტად იყოს უზრუნველყოფილი სამუშაოების უსაფრთხოება, წესების სრული დაცვით წარმოება.



გადამზადება ჩაუტარდებათ მოპოვების, მზადების, აფეთქებისა და სარემონტო სამუშაოების წარმოებაზე პასუხისმგებელ თანამშრომლებს, ასევე შრომის უსაფრთხოების ინსპექტორებს. სწავლების მიმდინარეობისას, კომპანია თანამშრომლებს სწავლისთვის და გამოცდებისთვის აუცილებელი მასალებით უზრუნველყოფს. გადამზადების დასრულების შემდეგ, თანამშრომლების ცოდნა გამოცდის მეშვეობით შემოწმდება.



პროგრამა საქართველოს ტექნიკური უნივერსიტეტის სამეცნიერო-საკვლევო საპროექტო ცენტრის „სამთო გეოლოგ პროექტი“ ხელმძღვანელის და ამავე უნივერსიტეტის სამთო ტექნოლოგიების დეპარტამენტის პროფესორის, გელა მაჩაიძის ხელმძღვანელობით ხორციელდება.

ლი იყო უსაფრთხოების ელემენტარული წესების დაუცველობით.

### გელა მაჩაიძე

საქართველოს ტექნიკური უნივერსიტეტის პროფესორი:

“ტყიბულ-შაორის ქვანახშირის საბადო თავისი სამთო-გეოლოგიური და სამთო-ტექნიკური პირობებით მსოფლიოში ერთ-ერთი ურთულესია. შრომის უსაფრთხოების მოთხოვნები განუწყვეტლივ იზრდება, ამიტომ, აუცილებელია დასაქმებული პერსონალის პერიოდულად გადამზადება, ასევე, ცოდნის შემოწმება შახტის ინჟინერ-ტექნიკური პერსონალისთვის, სულ მცირე, 3 წელიწადში ერთხელ, ხოლო მუშებისათვის ყოველ 6 თვეში ერთხელ. როგორც შახტზე მომხდარი ავარიებისა და შემთხვევების ანალიზი გვიჩვენებს, ისინი განპირობებული

„საქნახშირის“ გენერალური დირექტორის ბრძანებით განსაზღვრული ღონისძიებების აუცილებლობა განპირობებულია იმითაც, რომ სქელი ფენების უფექტიანი დამუშავება ტექნიკური თვალსაზრისით რთული საინჟინრო ამოცანების გადაწყვეტას მოითხოვს. აღნიშნული პრობლემის გადაწყვეტას კიდევ უფრო ართულებს ძლიერ დაახლოებული სქელი და საშუალოს სისქის, ციცაბოდ დახრილი, სამთო დარტყმების მხრივ საშიში და თვითაღებადი ფენები. ტყიბულ-შაორის საბადოზე ამჟამად მიმდინარე სამუშაოების წარმოებისას აუცილებლად გასათვალისწინებელია შემდეგი ფაქტორები:

- მოსამზადებელი და დამჭრელი გვირაბე-

ბის დიდი მოცულობა. გართულებულია და ხშირ შემთხვევებში, ძლიერ საშიშია ძირითადი სანარმოო პროცესების წარმოება

- გართულებულია გაზ-გამოყოფისა და განიავების მართვა
- მნიშვნელოვანი მოცულობითაა საექსპლოატაციო დანაკარგები
- გაზრდილია ნახშირების თვითაღების საშიშროება და სხვ.

ტყიბულ-შაორის საბადოზე ფენების ჩანოლის რთული გეომეტრია და პარამეტრები, გეოლოგიური აშლილობები (არა მარტო ზოგადად საბადოზე, არამედ, კონკრეტული შახტის ველზე და მისაღებ უბნებშიც კი) საბადოს სამთო-გეოლოგიური პირობების დეტალურ ანალიზს, ასევე დღემდე გამოყენებული დამუშავების სისტემების კრიტიკულ ანალიზს მოითხოვს. საბადოს ცალკეული ამოსაღები ველებისთვის სწორად უნდა იქნეს შერჩეული დამუშავების ოპტიმალური პარამეტრები და მკაცრად უნდა იქნეს გატარებული უსაფრთხოების ყველა მოთხოვნა.

ყოველივე ზემოთქმულიდან გამომდინარე, შემჭიდროებულ ვადებში უნდა მოხდეს შახტში დასაქმებული პერსონალის სწავლება და მათი ცოდნის დონის შემოწმება, რაც შემდგომში შახტზე გასატარებელ უსაფრთხოების გეგმებსა და ღონისძიებებს განსაზღვრავს.”



### ბეჟან ნაქაძე

ტყიბულის, თერჯოლის, მესტაფონისა და ბაღდათის მაჟორიტარი დეპუტატი:

“მოხარული ვარ, რომ „საქნახშირის“ ინიციატივით, შრომის უსაფრთხოების გაძლიერების მიზნით, შახტში დასაქმებული თანამშრომლების პროფესიული გადამზადების პროგრამა დაიწყო. მოგეხსენებათ, მეშახტეების როლი ჩვენი ქალაქის აღმშენებლობისთვის და აღორძინებისთვის არსებითად მნიშვნელოვანია. თითოეული მეშახტის უსაფრთხოების უზრუნველყოფა ერთ-ერთი მნიშვნელოვანი

დანიშნულებაა ჩვენთვის, ისინი წარმოადგენენ ტყიბულის მამოძრავებელ და მაცოცხლებელ ძალას!

პროფესიული გადამზადების პროგრამა საფუძველია იმისა, რომ თავიდან ავიცილოთ ისეთი უბედური შემთხვევები, როგორც მოხდა 2022 წლის 30 იანვარს. სწორედ ამიტომ, გადამზადების მიზანია სანარმოს თანამშრომლების კვალიფიკაციის ამაღლება შრომისა და ტექნიკური უსაფრთხოების მიმართულებით! ყოველივე სავალდებულოდ შესასრულებელი იქნება დასაქმებული პირებისთვის და მკაცრად გაკონტროლდება ხელმძღვანელობის მიერ!”



### დავით ჩერქეზიშვილი

ტყიბულის მუნიციპალიტეტის მერი:

“დღეს, „საქნახშირში“ უსაფრთხოების დაცვის უზრუნველყოფის საკითხების გაძლიერება ჩვენთვის უმნიშვნელოვანეს საკითხს წარმოადგენს. ცხადია, შახტში დასაქმებული თანამშრომლების პროფესიული გადამზადება ერთ-ერთი მთავარი ფაქტორია, რასაც მივსაღებთ. ვთვლი, რომ პროფესიული

ბა უბედური შემთხვევები, აღარ დაგვიდგება უსაფრთხოების დაცვის სისტემების აღსრულებასთან, მათ კონტროლსა და უზრუნველყოფასთან დაკავშირებული საკითხების განხილვის საჭიროება. მჯერა, რომ თითოეული თანამშრომელი, განურჩევლად საკუთარი სამსახურეობრივი პოზიციისა, მაღალ დონეზე მოეკიდება უსაფრთხოების ნორმების სრულად დაცვის საკითხებს საკუთარი კომპეტენციის ფარგლებში.

გადამზადების მთავარი მიზნის შესრულებით კიდევ უფო მეტად ამაღლდება დასაქმებულების უნარები პროფესიული მიმართულებით, ასევე, კიდევ უფრო გაიზრდება თითოეული თანამშრომლის პასუხისმგებლობა უსაფრთხოების დაცვის უზრუნველყოფასთან დაკავშირებით.

მეშახტის საქმიანობა საყოველთაოდ აღიარებულია როგორც მაღალი ღირსებისა და გმირობის ტოლფასი პროფესია. მეშახტის საქმიანობა მეტად დაფასებულია იმიტომ, რომ ისინი თავისი ყოველდღიური საქმიანობისას უფრთხილდებიან ერთმანეთის სიცოცხლეს და ამავე დროს, ემსახურებიან საკუთარ ქვეყანას.

ტყიბულისთვის ღირსების საკითხს წარმოადგენს ქვანახშირის მოპოვებითი საქმიანობა. ნებისმიერი ტყიბულელისთვის, თითოეული მეშახტის სიცოცხლე საკუთარი ოჯახის წევრის სიცოცხლესავით ძვირფასია. დიდი იმედი მაქვს, რომ მომავალში არასოდეს გვექნე-

ჩვენს ღირსეულ მეშახტეებს ვუსურვებ უსაფრთხოდ მუშაობას, წარმატებულ საქმიანობას და კეთილდღეობას!”



## პროფკავშირების გაერთიანების ინიციატივით მუდმივმოქმედი სამუშაო ჯგუფი შეიქმნება

30 იანვარს მომხდარ შემთხვევასთან დაკავშირებით, საქართველოს პროფკავშირების გაერთიანებამ სამუშაო ჯგუფის შექმნის ინიციატივა გააუქურა და აღნიშნა, რომ მიზანი უსაფრთხოების სისტემების მონიტორინგის გაძლიერებაა. მასში ჩართული იქნება როგორც "საქსახშირი," ისე შრომის ინსპექცია.

აჩნია, რომ მხარეთა ჩართულობას ითხოვს. ცალკე აღებული ვერც კომპანია და ვერც დასაქმებული, ვერ შეძლებს შრომის უსაფრთხოების ნორმების დაცვას, თუ ყველა ერთად არ შევთანხმდებით იმაზე, რომ ვიმუშაოთ მხოლოდ წესების მკაცრად დაცვით.

უნდა გვახსოვდეს, რომ ჯარისკაცისგან და პოლიციელისგან განსხვავებით, სამუშაო ადგილზე თავგანწირვა არ არის ჩვენი ვალდებულება, პირიქით, ჩვენ ვალდებულები ვართ, რომ სამუშაო ცვლა ისევე ჯანმრთელებმა დავასრულოთ, როგორც დავინყეთ.

ძალიან კარგია, რომ შრომის ინსპექციამ, ისევე როგორც კომპანიის ადმინისტრაციამ, დადებითად მიიღო საქართველოს პროფკავშირების ინიციატივა, შრომის უსაფრთხოების სისტემების ერთობლივი მონიტორინგის მიზნით, მუდმივმოქმედი, ერთობლივი სამუშაო ჯგუფის შექმნასთან დაკავშირებით.

სამუშაო ჯგუფი ერთი მხრივ ინტენსიურ მონიტორინგს გაუწევს სამუშაო პროცესის დროს შრომის უსაფრთხოების ნორმების დაცვას და მეორე მხრივ, დიდ ძალისხმევას გასწევს შრომის უსაფრთხოების მიმართ დასაქმებულთა ცნობიერების ამაღლებისთვის.

სამუშაო ჯგუფის საქმიანობის შესახებ დეტალური ინფორმაცია სულ მალე გვექნება, მაგრამ ერთის თქმა ახლავს შემოქმედის თამამად: ვერანაირი სამუშაო ჯგუფი, მაკონტროლებელი ორგანო ან კანონმდებლობებში ცვლილებების შეტანა ვერ მოგვცემს ეფექტიან შედეგებს, თუ ჩვენ, ყველანი ერთად არ ვეცდებით წესების უმკაცრესად დაცვას.

იმედს ვიტოვებ, რომ შრომითი პროცესის მონაწილე მხარეებს - დამსაქმებელსა და დასაქმებულს, ასევე პროფკავშირებს და შრომის ინსპექციას, გამოგვივა სინქრონული და კოორდინირებული მუშაობა, რომლის ხარისხზეც დამოკიდებული იქნება შრომის უსაფრთხოების მდგომარეობა ტყიბულის მახტებზე."

**თამაზ დოლაბერიძე,**  
საქართველოს პროფკავშირების გაერთიანების თავმჯდომარის მოადგილე:

"პირველ რიგში, საქართველოს პროფკავშირების თითოეული წევრის სახელით სამძიმარს ვუცხადებ გარდაცვლილი მემხატის, ჭაბუკა სოფრომადის ოჯახის წევრებს და ნათესავებს, ასევე შრომით კოლექტივს და კომპანიას. დაშავებულებს კი სრულ გამოჯანმრთელებას ვუსურვებ.

შრომის უსაფრთხოების ნორმების დაცვის მიმართ 2019 წლამდე არსებულმა მიდგომებმა შედეგად მოგვიტანა უამრავი უბედური შემთხვევა ბოლო 12 წელიწადში. 2019 წელს კი ვთქვით: იმისათვის, რომ მახტებზე უბედურ შემთხვევებს აღვიღო ალარ ჰქონდეს, უნდა შეიცვალოს მიდგომები და კომპანიის მიერ შრომის უსაფრთხოების სისტემების მოსახერხებლად არაერთი საჭირო ნაბიჯი გადაიდგა.

უბედური შემთხვევების გარეშე განვლილმა სამმა წელმა ნათლად მიგვანიშნა, რომ მახტებში უსაფრთხოდ შრომა სრულიად შესაძლებელი ყოფილა, ხოლო მიმდინარე წლის 30 იანვარს მომხდარმა აფეთქებამ შეგვახსენა, რომ ნახშირის მოპოვების პროცესი ერთ უმცირესს გადაცდომასაც არ გვაპატიებს.

შრომის უსაფრთხოების ნორმებისა და სტანდარტების დაცვას ის სპეციფიკა გა-

## პასუხები თქვენს კითხვებზე

სანარმოს ეფექტიანად განვითარებისთვის, მის ყოველდღიურ საქმიანობაში თითოეული თანამშრომლის ჩართულობა მნიშვნელოვანია. მუშახტებზე, მიმა შულაძემ, საშა შულაძემ და თამაზ ფუტკარაძემ ადმინისტრაციას რამდენიმე აქტუალური კითხვით მიმართეს. კომპანია პასუხობს დასაქმებულების კითხვებს და მადლობას უხდის მათ ჩართულობისთვის. "საქსახშირი" მზად არის მომავალშიც განიხილოს დასაქმებულებისთვის მნიშვნელოვანი საკითხები და უპასუხოს მათ კითხვებს.

### უბნის ამოსაღები ველების უზრუნველყოფა ეფექტიანი განიავების სისტემით

უბნის ამოსაღები ველების განიავების სისტემის ეფექტიანობის გასაუმჯობესებლად მახტის მთავარი ინჟინრის, ო. ლოვინის ხელმძღვანელობით კომისია შეიქმნება. კომისია განიხილავს განიავების სისტემასთან დაკავშირებულ ყველა წარმოდგენილ საკითხს და გატარდება დარღვევების აღმოფხვრის ღონისძიებები. აღნიშნული ღონისძიებების მთავარი მიმართულებები იქნება:

- სავენტილაციო მილების მდგომარეობა
- სამთო გამოწამოშვების მდგომარეობა და მათი მზობა ამოსაღები ველებში განიავების სისტემის უზრუნველსაყოფად
- საგაზო კონტროლის ხელსაწყოების დამონტაჟების პრინციპი და მდგომარეობა
- დასაქმებულების პასუხისმგებლობა აერო-საგაზო გადაცემების განლაგებაზე; ტუპიკურ გამოწამოშვებებში სავენტილაციო მილ-გაყვანილობის კონტროლი, სავენტილაციო მილ-გაყვანილობის მდგომარეობა; მანვე აირების გამოწვევა უბნებზე, სტანდარტების შესაბამისად.

### ამოსაღები ველებში მტვერდახშობის ეფექტიანობისთვის გასატარებელი ღონისძიებები

მტვრის საწინააღმდეგო ღონისძიებები შემდეგი მიმართულებით მიმდინარეობს: 1. სამთო გამოწამოშვების კედლებიდან მტვრის ჩამორეცხვა, საგები იატაკის მორწყვა. 2. ყოველი ნახშირმომპოვებელი უბნის ბლოკის სავენტილაციო ჰორიზონტზე მოწყობილია თალური ფორმის მილისაგან დამზადებული სარწყავი საშუალება, რომელიც დახვრეტილია ყოველ სამ სანტიმეტრში (2 მმ ხვრელებით). აფეთქებითი სამუშაოების დაწყების წინ ხდება წყლის ონკანის გაღება. აფეთქებითი შემდეგ, აღნიშნული წყლის ფარდა არ აძლევს მტვერს გავრცელების საშუალებას. 3. უბანში, ნახშირის გადატვირთვის ადგილებში, კონვეიერიდან კონვეიერზე და კონვეიერიდან ვაგონზე (კონვეიერის მთელ ფართობზე), მოწყობილია სარწყავი, რაც ნახშირის გადატვირთვის დროს მტვერს არ აძლევს გავრცელების საშუალებას. დასამყარებელია მკაცრი კონტროლი, რომ წყლის ონკანის გაღება, საჭიროებისამებრ, მუდმივად ხდებოდეს.

### საბურღი დანადგარის შექმნა გამკვეთის გასაყვანად და მონინავე ჭაურების დასაბურღად

საბურღი დანადგართან დაკავშირებით კონტრაქტი გაფორმებულია. ამჟამად მიმდინარეობს ტრანსპორტირებასთან დაკავშირებული საკითხების მოგვარება.

### დაძაბული ნახშირის ფენების მასივების განტვირთვისთვის გასატარებელი კომპლექსური ღონისძიების და ენდოგენური ხანძრების პროფილაქტიკის საკითხი

დღეს მოქმედი ამოსაღები ველები დამუშავებულია რეგიონალურად. ეს ხორციელდება სავსე მტრეკებიდან ჭაბურღილების გადაბურღვით და ნახშირის მასივში მაღალი წნევით წყლის დაჭირხვით. +175 +275 ჰორიზონტში მიმდინარეობს პირველი ველის მეორე ქვესართულის მომზადების სამუშაოები. სავენტილაციო და საზიდი კვერშლაგების გადაჭრის მომენტისთვის აღებული იქნება სინჯები, რომელთა შემოწმებაც მოხდება ლაბორატორიაში. თუ ტენიანობის მიხედვით შესაბამისი პასუხი არ გვექნება, ფენების დამუშავების დროს, ცალკეულ ფენებში დამატებითი ღონისძიებები გატარდება.

ამოსაღები ველებში, ფენების დამუშავების პროცესში მიმდინარეობს ხანძარსაწინააღმდეგო ღონისძიებების გატარება. საგებში განთავსებული (შემდგომში დასამუშავებელი) ფენის სავენტილაციო მტრეკებიდან ხდება ჭაბურღილების გადაბურღვა და გამოწამოშვებულ სივრცეში პროფილაქტიკური ლამის მიწოდება. ვითვალისწინებთ რა, ცალკეული ფენების ინკუბაციის პერიოდს, ყოველ გამოწამოშვებულ მეორე-მესამე ბლოკს უკეთდება იზოლირება (სასაცობე ზღუდრების მშენებლობა) - ივსება პროფილაქტიკური ლამით, რომელიც ჟანგბადს სივრცეში შესვლის და აალების საშუალებას არ აძლევს. ნებისმიერი ფენის ორივე ფრთის გამოწამოშვების შემდეგ სავენტილაციო და საზიდი კვერშლაგში ხდება სასაცობე ზღუდრების მშენებლობა და მისი პროფილაქტიკური ლამით ამოვსება. გარდა ამისა, პერიოდულად ხდება პროფილაქტიკური ლამის დამატება.

### რეზინის ჩექმებით უზრუნველყოფის საკითხი

კომპანიამ უკვე შეიძინა საჭირო რაოდენობის სამუშაო ფეხსაცმელი. მისი საქართველოში ჩამოტანა მარტის თვეში მოხდება.

## სასამართლომ გურაბ სამაკაშვილის სარჩელი არ დააკმაყოფილა

ქუთაისის საქალაქო სასამართლომ №4 ნახშირმომპოვებელი უბნის ყოფილი უფროსის, გურაბ სამაკაშვილის სარჩელი არ დააკმაყოფილა. აღნიშნული სარჩელით იგი გათავისუფლების შესახებ

გადანყვეტილების ბათილად ცნობას, განაცდურის ანაზღაურებას და კომპანიისთვის კომპენსაციის დაკისრებას ითხოვდა.



შახტის ზედპირულ და მინისქვეშა კომპლექსებში, კომუნიკაციის საშუალებების გამართულ მუშაობაზე „საქნახშირის“ კავშირგაბმულობის განყოფილება ზრუნავს. ამ სამსახურში უკვე წლებია მუშაობს ტარიელ ბუცხრიკიძე, რომელმაც 17 წლის ასაკში დაიწყო შახტში მუშაობა და დღემდე წარმატებით აგრძელებს საქმიანობას. დღეს ის კავშირგაბმულობის განყოფილების უფროსის მოადგილეა.

ბატონმა ტარიელმა 1982 წელს „მინდელის“ სახელობის შახტის კავშირგაბმულობის სამსახურში დაიწყო მუშაობა. პარალელურად, ჯერ ტყიბულის ტექნიკურ სასწავლებელში სწავლობდა, შემდეგ კი საქართველოს პოლიტექნიკურ უნივერსიტეტში, კავშირგაბმულობის ფაკულტეტზე. განათლებაც და სამუშაო გამოცდილებაც ამ სფეროში მიიღო და ნამდვილ პროფესიონალად ჩამოყალიბდა.

## ტარიელ ბუცხრიკიძე - 17 წლიდან „საქნახშირში“

**ტარიელ ბუცხრიკიძე:** „ფიზიკის კანონში არსებობს ელექტრო-მაგნიტური ველები და სხვა. სწორედ შახტის წარმოდგენს ელექტრო-მაგნიტური ველები და სხვა ტყიბულისთვის. ის სასიცოცხლო მნიშვნელობისაა მუნიციპალიტეტისთვის. ასეა ჩემი ოჯახისთვის და მთელი ქალაქისთვის. წლების განმავლობაში, ჩემი ოჯახის ძირითადი შემოსავლის წყარო შახტში მიღებული ჰონორარია. მიხარია, რომ ეს ელექტრო-მაგნიტური ველები და სხვა არსებობს და მას კარგი ხელმძღვანელობა ჰყავს.“

ტარიელ ბუცხრიკიძის მეუღლე ნატო ბიბილაშვილი პროფესიით პედაგოგია. ის ტყიბულის პირველ საჯარო სკოლაში ქიმიის მასწავლებლად მუშაობს. მათი შვილი, ლევან ბუცხრიკიძე წარმატებული სტუდენტია, რომელმაც სკოლა ოქროს მედალზე დაამთავრა და უმაღლეს სასწავლებელში სრული სახელმწიფო დაფინანსებით ჩაირიცხა.

ბატონი ტარიელი შვილის წარმატების ამბავს ყოველთვის ემოციით იხსენებს: „შახტში, სადისპეჩერო ოთახში ვმუშაობდი როდესაც შვილმა დამირეკა და უნივერსიტეტში სწავლის 100% გრანტის მოპოვების შესახებ მითხრა. ეს ამბავი ჩემთვის იმდენად ემოციური იყო, რომ სიხარულისგან ტირილი დავიწყე. მედლობა უფალს ამ ბედნიერებისთვის.“

შახტა ძალიან მიყვარს, წლებია აქ ვსაქმიანობ, საუკეთესო ადამიანების გვერდით. ვისურვებდი, რომ წარმატებულად გააგრძელოს კომპანიამ საქმიანობა, კიდევ უფრო განვითარდეს და გაფართოვდეს სამთო დარგი ჩვენს ქალაქში.

**ლევან ბუცხრიკიძე:** „ოქროს მედლის მიღება ჩემთვის ძალიან დიდი სიხარული იყო. რა თქმა უნდა, შეამაყება და ვფიქრობ, რომ ამით ფასდება ადამიანის ის დიდი შრომა, რასაც 12 წლის მანძილზე გასწევს სკოლაში.“

ოქროს მედლის მიღებაში ძალიან დიდი როლი ითამაშა ჩემმა ოჯახმა - დედამ, მამამ. ასევე სკოლამ, მასწავლებლებმა, სკოლის დირექციამ. ჩემი წარმატება მათი დამსახურებაა არის და ამ დიდი ამაგისტვის მადლობა მინდა გადავუხადო მათ.

სკოლის დასრულების შემდეგ, სახელმწიფოს სრული დაფინანსებით ჩავირიცხე ივანე ჯავახიშვილის სახელობის თბილისის სახელმწიფო უნივერსიტეტში, ეკონომიკისა და ბიზნესის ფაკულტეტზე. მაკრო ეკონომიკის მიმართულებაზე ვსწავლობ, ამჟამად მესამე კურსზე ვაბრძვით.

მაგისტრატურაზე ვაპირებ სწავ-

ლის გაგრძელებას. სწავლის დასრულების შემდეგ ჩემი პროფესიით მსურს საქმიანობის გაგრძელება. იმედი მაქვს, რომ დასახულ მიზნებს მივაღწევ.

გასული წელს სტაჟირება „საქნახშირის“ საფინანსო სამსახურში გავიარე, ძალიან სასიამოვნო გარემო დამხვდა. თანამშრომლები დიდ ყურადღებას იჩენდნენ ჩემს მიმართ. მათგან საფინანსო საკითხების შესახებ შესაბამისი ცოდნა და გამოცდილება მივიღე. მადლობა კომპანიას და აღნიშნული სამსახურის პროფესიონალ გუნდს. წარმატებას ვუსურვებ „საქნახშირს“ და კომპანიაში დასაქმებულ ყველა ადამიანს.“



## გაიცანით მომარაგების განყოფილების თანამშრომლები



გაგა გვენეტაძე. ისინი მომარაგების განყოფილების სპეციალისტები არიან.

ზვიად ჭანტურიძე: „ჩვენი სამსახური „საქნახშირს“ ძირითადი ინვენტარითა და საჭირო მასალებით ამარაგებს. მათი შეძენა ხდება როგორც ადგილობრივ ბა-

„საქნახშირის“ ყველა განყოფილების მატერიალურ-ტექნიკურ საჭიროებებს მომარაგების სამსახური აკმაყოფილებს. აღნიშნულ სამსახურს რამდენიმე წელია ივანე მაკაროვი ხელმძღვანელობს, ზვიად ჭანტურიძესთან (განყოფილების უფროსის მოადგილე) და ბექა ბალავაძესთან ერთად (განყოფილების უფროსის მოადგილე სამთო-სამახტო დანადგარების დარგში). ამჟამად განყოფილებაში მუშაობენ ნათია სირბილაძე და

ზარზე, ისე საზღვარგარეთ. საქმიანი ურთიერთობა გვაქვს ჩინეთთან, რუსეთთან, უკრაინასთან, თურქეთთან. ფეთქით მასალებს ევროპაში ვყიდულობთ.

ყველა საჭირო მასალის შეძენა მინიჭებული კომპლექსისთვის, ადმინისტრაციისთვის, გამამდიდრებელი ფაბრიკისთვის თუ ავტო-სატრანსპორტო განყოფილებისთვის, ჩვენ მიერ, კომპანიის ხელმძღვანელობასთან შეთანხმებით ხორციელდება.

ჩვენი ძირითადი საქმიანობა ამ მასალების მოძიებაა. შემდეგ კი ფასის, ხარისხის და მოწოდების პირობების ანალიზის საფუძველზე, საუკეთესო პროდუქტის საუკეთესო ფასად შეძენა და რაც შეიძლება მოკლე ვადებში ტყიბულამდე ტრანსპორტირების უზრუნველყოფაა. ჩვენ ვაკეთებთ განბაჟებასთან დაკავშირებულ საკითხებსაც. ასევე უზრუნველყოფთ ფეთქითი მასალების შეძენასთან და ამ მასალების დახარისხებასთან დაკავშირებულ ყველა საკითხს. ეს არის ჩვენი ძირითადი საქმიანობის მცირე მონახაზი. ამ ყველაფრის სწორად მართვისთვის დიდი შრომა, საქმის კარგად ცოდნა და პროფესიონალიზმია საჭირო.

ახალი მენეჯმენტის მოსვლის შემდეგ, ეტაპობრივად მიმდინარეობს ინვესტიციების განხილვა, რათა სწორად მოხდეს რესურსის განკარგვა, მასალების შეძენა და მიწოდება. „საქნახშირი“ მუდმივად ზრუნავს ხარისხიანი მასალების შეძენაზე, რაც უფრო ეფექტიანს ხდის კომპანიის საქმიანობას.“

## „საქნახშირის“ სასწავლო პუნქტი



„საქნახშირის“ სასწავლო პუნქტი უკვე მრავალი წელია ფუნქციონირებს და მის ძირითად მოვალეობას დასაქმებულებისთვის აუცილებელი თეორიული ცოდნის გაღრმავება წარმოადგენს. სწორედ აქ გადის გადამზადება ყველა, ვინც შახტში იწყებს მუშაობას. თეორიული სასწავლო კურსის გავლის შემდეგ მუშახტეები პრაქტიკულ სამუშაოს შახტში, სხვადასხვა

უბანში გადიან. ელმავლის მემანქანები, ამფეთქებლები, ამწე მანქანის მემანქანები, გვირაბგამყვანები და სხვა პროფესიების წარმომადგენლები სწორედ სასწავლო პუნქტში ეცნობიან მთლიან საშახტო სისტემას, უსაფრთხოების წესებს და მათი საქმიანობისთვის მნიშვნელოვან სხვა საკითხებს.

სასწავლო პუნქტს მრავალწლიანი გამოცდილების მქონე პროფესიონალი მემახტე, პრომის უსაფრთხოების ინსპექტორი, გოჩა კუბლაშვილი ხელმძღვანელობს. ბატონი გოჩა მემახტეების სწავლების პროცესს დიდი პასუხისმგებლობით ახორციელებს და თანამშრომლებს საკუთარ ცოდნასა და გამოცდილებას ენთუზიამით უზიარებს. ცოტა ხნის წინ, სანარმოში დასაქმებულმა ათმა მემახტემ ელმავლის მართვის თეორიული სწავლების კურსი წარმატებით გაიარა.

**გოჩა კუბლაშვილი:** „სასწავლო პუნქტის დანიშნულება, პირველ რიგში, ახალი კადრებისთვის უსაფრთხოების წესების შესახებ ინფორმაციის მიწოდებაა, ასევე საშახტო სისტემის გაცნობა და შახტის გეოლო-



გიურად შესწავლა. ყველაზე მთავარი მაინც უსაფრთხოების წესების შესწავლა გახლავთ. მთავარი, რაც ყველამ უნდა იცოდეს, უსაფრთხოების წესების დაცვაა. ჩვენს სასწავლო ცენტრში ჯერ უსაფრთხოების წესების გაცნობა ხდება, ხოლო ამის შემდეგ, პროფესიის მიხედვით შესაბამისი სწავლება მიმდინარეობს. მემახტეები თეორიულ სწავლებას პუნქტში გადიან, პრაქტიკულ ნაწილს კი უშუალოდ შახტში. „საქნახშირის“ ძირითადი მიზანი სანარმოში დასაქმებულების უსაფრთხოებაა. ყველა დასაქმებული ვალდებულია დაიცვას უსაფრთხოების წესები, არ შეუქმნას საფრთხე თავის თავს და სხვებს.“

# იერეთის სახელმწიფო რწმუნებულის, ზვიად შალამბერიძის 2021 წლის შეჯამება



**2021 წელი იერეთის რეგიონისთვის საინტერესო, წარმატებული და ნაყოფიერი იყო. ინფრასტრუქტურული პროექტების განხორციელებისთვის სხვადასხვა დაფინანსების ფონდებიდან 800 000 000 ლარამდე თანხის მობილიზება მოხდა, რითაც 2 368 პროექტი განხორციელდა. მათ შორის მნიშვნელოვანი ყურადღება დაეთმო საგზაო ინფრასტრუქტურის მოწესრიგებას. სახელმწიფო რწმუნებულის იერეთში, ზვიად შალამბერიძე გასულ წელს აჯამებს.**


ავტობუსი მოძრაობს და მგზავრების კომფორტულ გადაადგილებას უზრუნველყოფს.

### განახლებული საერთაშორისო აეროპორტი ქუთაისში

ქუთაისის საერთაშორისო აეროპორტი, რა თქმა უნდა, უაღრესად მნიშვნელოვანი ობიექტია ქუთაისის განვითარებისთვის. 2019 წელს, მგზავრთა ნაკადი გაიზარდა და საჭირო გახდა აეროპორტის გაფართოება. ამ ეტაპისთვის, ქუთაისის საერთაშორისო აეროპორტში დასრულებულია შიდა ინტერიერის მოწყობა, გაერთიანდა ძველი და ახალი ტერმინალები. შედეგად, აეროპორტს აქვს ერთიანი ტერმინალი, მოფრენისა და გაფრენის დარბაზებით და ყველა იმ ალტურვილოში, რომელიც მისი შეფერხებული ოპერირებისთვის არის საჭირო. აეროპორტს აქვს 7 გასასვლელი და საათში 1200-ზე მეტი მგზავრის შეფერხებლად გატარების შესაძლებლობა, რაც იმას ნიშნავს, რომ მისი გამტარუნარიანობა ოთხჯერ გაიზარდა. განხორციელებული სამუშაოების შედეგად, მგზავრთა გამტარუნარიანობა წელიწადში ორნახევარ მილიონამდე გაიზარდა. ამ ეტაპზე, დავით აღმაშენებლის სახელობის აეროპორტიდან პირდაპირი რეგულარული რეისები ევროპისა და აზიის 24 მიმართულებით სრულდება.



### საგზაო ინფრასტრუქტურის მიმართულებით განხორციელებული პროექტები



2021 წელს დასრულდა ტყიბულის მუნიციპალიტეტის ცენტრალური ნაწილის 5 კილომეტრიანი გზისა და ცხრაჯვარის სასასვლელი გზის სრული რეაბილიტაცია, ასევე, გემო იერეთი - რაჭის (საჩხერე - ონის) დამაკავშირებელი გზის რეაბილიტაცია. აღნიშნულ პროექტზე ჯამში 111 მილიონ ლარზე მეტი დაიხარჯა. წელს განხორციელდა ძეძილეთი - გორდი - ნოღას გზის რეაბილიტაცია. ასევე, მდინარე ცხენისწყალზე და მდინარე მეჭიაზე, სახიდე გადასასვლელების სამშენებლო სამუშაოები. პროექტის ღირებულება 16 მლნ ლარზე მეტი იყო. მუნიციპალური განვითარების ფონდის დაფინანსებით, 2021 წელს, ქ. ზესტაფონში დასრულდა მათირიშვილიძე-მალაქელიძისა და აღმაშენებლის ქუჩის რეაბილიტაცია.

### პროგრამა „განახლებული რეგიონები“

პრემიერ-მინისტრის ინიცირებული პროგრამის „განახლებული რეგიონები“ ფარგლებში, იერეთის თორმეტივე მუნიციპალიტეტში აქტიური სამუშაოები მიმდინარეობს. პროგრამის ფარგლებში რეაბილიტაცია უტარდება ფასადებს, სკვერებს, საფეხმავლო ბილიკებს, საცხოვრებელი სახლების ღობეებსა და ტიპკრებს. „განახლებული რეგიონების“ პროგრამა 4 წლიანია. ამჟამად მისი პირველი ეტაპით დაგეგმილი პროექტების შესრულება მიმდინარეობს, რომლის ღირებულება 75 მილიონ ლარს შეადგენს. გარკვეულ მუნიციპალიტეტებში სამუშაოები დასრულების ეტაპზეა და პროექტის შედეგებიც უკვე თვალსაჩინოა.



დასრულების ეტაპზეა და პროექტის შედეგებიც უკვე თვალსაჩინოა.

### საპილოტე რეგიონების განვითარების პროგრამა

საპილოტე რეგიონების განვითარების პროგრამა ევროკავშირის ფინანსური დახმარებით ხორციელდება და უდიდესი მნიშვნელობა აქვს საქართველოს რეგიონების განვითარების კუთხით. იერეთი ერთ-ერთია იმ 4 რეგიონიდან, სადაც ამ პროექტით გათვალისწინებული სამუშაოები მიმდინარეობს. ფაქტობრივად, ამ მიმართულებით, 2021-2022 წლებში იერეთში განხორციელებული ინფრასტრუქტურული პროექტებისთვის 69 656 927 ლარია გამოყოფილი, აქედან ნაწილი უკვე ათვისებულია. 2022 წელს განხორციელებული იქნება ძირითადი პროექტები, რაც მუნიციპალიტეტებს სხვადასხვა მიმართულებით განვითარების საშუალებას მისცემს. ეს შეიძლება იყოს ურბანული განვითარება, ტურიზმის ხელშეწყობა, ინტეგრირებული ადგილობრივი განვითარება, რაც ადგილობრივ ბიზნესს კიდევ უფრო მეტი წარმატების მიღწევაში დაეხმარება. გარდა ამისა, უკვე დაგეგმილია ძალიან საინტერესო პროექტები, რომელთა განხორციელებაც 2022 წელს დაიწყება. აღნიშნული პროგრამის დახმარებით მუნიციპალიტეტში საინტერესო ურბანულ, ტურისტულ და ბიზნესის განვითარების ხელშეწყობა პროექტებს განვახორციელებთ.

ასევე, არ უნდა დავავიწყდეს რიკოთის საუკუნო ტყილო გზის მშენებლობის პროექტი, რომლის ფარგლებშიც 2021 წელს რიკოთის მაგისტრალის პირველი, 2 კილომეტრიანი, ორზოლიანი ხევი - უბისას მონაკვეთზე ავტოტრანსპორტის მოძრაობა გაიხსნა. ახალი გზის მონაკვეთი 6 ხილსა და 3 გვირაბს მოიცავს. ამჟამად მოძრაობა გახსნილია 2 კილომეტრიანი 4 ზოლიანი მონაკვეთის 2 ზოლზე (ცალ მიმართულებად), ხოლო პარალელურად, არსებული 2 ზოლიანი გზის სამშენებლო სამუშაოები გრძელდება. რიკოთის საუკუნო ტყილო გზის მშენებლობის ფარგლებში ჯამში 51.6 კმ-მდე გზა, 96 ხიდი და 53 გვირაბი აშენდება.

### სასკოლო ინფრასტრუქტურის მშენებლობა - რეაბილიტაცია

იერეთის რეგიონში სასკოლო ინფრასტრუქტურის მიმართულებითაც მნიშვნელოვანი სამუშაოები ჩატარდა. 2021 წელს რეგიონში 10 ახალი სკოლის მშენებლობა და 23 სკოლის სრული რეაბილიტაცია მიმდინარეობდა, საიდანაც 15 სკოლა უკვე დასრულდა. საერთო ჯამში, სკოლების სრულ რეაბილიტაცია-მშენებლობაზე 83 მილიონ ლარზე მეტი იხარჯება.



### ჭიათურის საბაგირო გზის რეაბილიტაცია



აუცილებლად უნდა ვისაუბროთ ჭიათურაში საბაგირო გზის რეაბილიტაციაზე. ეს არის პროექტი, რომლის ფარგლებშიც სრული რეკონსტრუქცია ჩატარდა საბაგირო სადგურებს და გზებს. საბაგირო გზების საერთო სიგრძე 3428 მეტრია და მასზე თანამედროვე სტანდარტების 8 გონდოლა მოძრაობს. გარდა ამისა, რომ ეს მოსახლეობისთვის გადაადგილების კარგი საშუალებაა, საინტერესო და მიმზიდველი აღმოჩნდა ტურისტებისთვისაც. ჭიათურაში უკვე დაიწყო 2 ძველი საბაგირო რეაბილიტაცია. მათ ფაქტობრივად შეუნარჩუნდებათ ძველი იერსახე და ამასთან, იქნება სრულიად უსაფრთხო.

წელს, საპილოტე რეგიონების ინტეგრირებული განვითარების პროგრამის პრიორიტეტებია: ურბანული განახლება - ინტეგრირებული აქტივობები ურბანულ ტერიტორიებზე, უნიკალური პოტენციალის გამოყენებით ტურიზმის განვითარების ხელშეწყობა და ინტეგრირებული ადგილობრივი განვითარება.

### სხვადასხვა მიმართულებები

2021 წელს რეგიონში აქტიური სამუშაოები მიმდინარეობდა წყალმომარაგების, გამზიფიკირების, ტურისტული ინფრასტრუქტურის მოწყობის მიმართულებით. იუსტიციის სახლი აშენდა წყალტუბოში, მშენებლობა მიმდინარეობს კიდევ 3 მუნიციპალიტეტში.

გარდა ამისა, 2021 წელს, წყალტუბოში ბინა გადავყვით 560 დევნილ ოჯახს. ქუთაისში, ბოლო ორი წლის მანძილზე, საცხოვრებელი ფართით 394 დევნილი ოჯახი დაკმაყოფილდა, ხოლო მომავალ წელს, კიდევ 800 ოჯახის დაკმაყოფილება იგეგმება.



კიდევ ერთი პროექტი, რომელიც წარმატებით განხორციელდა, მუნიციპალურ ტრანსპორტს ეხება. ქუთაისში ტრანსპორტის პრობლემა ფაქტობრივად აღმოფხვრა - ქალაქში ახლა უკვე 60 ერთეული ახალი

### კოვიდპანდემიის მართვა

გასული წლის მსგავსად, 2022 წლის მთავარ გამოწვევად კოვიდ პანდემია რჩება. ამ მიმართულებით, ისევე როგორც როგორც მთელ საქართველოში, იერეთის რეგიონშიც პანდემიის მართვას და საბჭოს მიერ მიღებული რეკომენდაციების დაცვას განსაკუთრებული ყურადღება დაეთმო. იერეთი ამ მიმართულებითაც გამორჩეულია - ჩვენ შევქმენით მართვის უნიკალური სისტემა, რომელიც წელს კიდევ უფრო დაიხვეწა და ამ პროცესების უფრო ეფექტურად მართვის საშუალება მოგვცა. COVID-19-თან ბრძოლაში ერთ-ერთი მძლავრი საშუალება ვაქცინაციაა და კიდევ ერთხელ მოვუწოდებ ყველას, ჩავერთოთ მასობრივი იმუნიზაციის პროცესში, შევამციროთ პანდემიის რისკები და დავიცვათ ჩვენს გვერდით მყოფი ადამიანები.

### პოლიტიკური 2021 წელი

2021 წელი პოლიტიკურად ძალიან მნიშვნელოვანი და საინტერესო იყო. მოგვხსენებათ, წელს ადგილობრივი თვითმმართველობის არჩევნები ჩატარდა, რომელიც ოპოზიციის მიერ რეფერენდუმად იყო მონათლული, მაგრამ რეალურად მმართველმა გუნდმა ღირსეულად გაიმარჯვა. ეს ნიშნავს იმას, რომ მოსახლეობა ენდობა ჩვენს გუნდს და ჩვენი სამოქმედო გეგმა მათთვის მისაღებია.

### 2022 წელს დაგეგმილი პროექტები

2022 წელს კიდევ უფრო საინტერესო პროექტების განხორციელება გვაქვს დაგეგმილი და რა თქმა უნდა, მუნიციპალური ცენტრებისა და სოფლების წყალმომარაგება მთავარი პრიორიტეტია. ეს ჩვენი მთავრობის ამბიციური გეგმაა და ფაქტობრივად, 2025 წლისთვის ეს გეგმა 100% უნდა იყოს შესრულებული. აქტიურად გაგრძელდება ურბანული განახლების პროექტების განხორციელება, რაც კიდევ უფრო მიმზიდველს და საინტერესოს გახდის ჩვენს ქალაქებს.

რა თქმა უნდა, გაგრძელდება საგზაო ინფრასტრუქტურის მოწყობაც. ყველა სოფელში კაპიტალური, ცენტრალური გზის მიყვანა ჩვენი კიდევ ერთი ამბიციური გეგმაა და შეიძლება ითქვას, რომ იერეთის სოფლების დაახლოებით 80% ცენტრალური მაგისტრალი უკვე მიყვანილია. ახლა უკვე საუბრო გზებზე გადავდივართ. ჩვენი გეგმა, რომ ეს მიმართულება მაქსიმალურად იყოს ათვისებული. კიდევ ერთი მთავარი პრიორიტეტი და გეგმა რეგიონის ყველა სოფლის გამზიფიკირებაა. რეგიონში არის მუნიციპალიტეტები, სადაც ბუნებრივი აირით უკვე ყველა სოფელი უზრუნველყოფილი.



# განსაკუთრებული ახალი წელი ტყიბულში



## ვაქცინაციის კამპანია



იმუნიზაციის პოპულარიზაციისა და ვაქცინაციის პროცესში მოსახლეობის ჩართულობის გაზრდის მიზნით, ტყიბულში, სანიურსა და ორპირში იმუნიზაციის პროცესი ორგანიზებულად განხორციელდა. ამცრელი ბრიგადები მოქალაქეების ვაქცინაციას ადგილზე უზრუნველყოფდნენ.

ვაქცინაციის კამპანია აქტიურად მიმდინარეობს ქვეყნის ყველა რეგიონში, რაც სოფლად მცხოვრები 50 წლისა და უფროსი ასაკის მოსახლეობის ადგილზე აცრას გულისხმობს. მიმდინარე აქტივობა,

ავადობის შემცირებასა და შესაძლო გართულებების თავიდან აცილებას განაპირობებს.

სწორედ ამ ასაკის მოსახლეობისათვის მოქმედებს საქართველოს მთავრობის გადამწყვეტილებით მიღებული ფულადი ნახალისების პროგრამა, რომელიც პირველ აცრაზე 200 ლარის, ხოლო ე.წ. ბუსტერ დოზით აცრის შემთხვევაში, 100 ლარის მიღებას გულისხმობს.

სამედიცინო პუნქტებში, კამპანიის ფარგლებში, მოსახლეობის იმუნიზაციის სრულყოფილად განხორციელების ორგანიზებას ტყიბულის ადგილობრივი თვითმმართველობა უწევს, პროცესში აქტიურადაა ჩართული ააიპ-ტყიბულის მუნიციპალიტეტის საზოგადოებრივი ჯანმრთელობის ცენტრი.

## სისხლის უანგარო დონაციის აქცია

„გაიღე სისხლი, გადაარჩინე სიცოცხლე“ - ლეიკემიით დაავადებული ბავშვების დასახმარებლად, ტყიბულის მუნიციპალიტეტის მერმა დავით ჩერქეზიშვილმა, მერიისა და საკრებულოს თანამშრომლებმა, პედაგოგებმა და ადგილობრივებმა სისხლი გაიღეს.



სისხლის ბანკის მარაგის შესავსებად დონაციის აქცია ადგილობრივი თვითმმართველობის ორგანიზებით გაიმართა, რომელიც დონორთა მაღალი დენადობით გამოირჩეოდა. სისხლის აღების პროცედურები იაშვილის სახელობის ბავშვთა ცენტრალური საავადმყოფოს სისხლის ბანკის ექიმებმა ჩაატარეს.





## ტყიბულს გალე თანამედროვე სტანდარტების ახალი სკოლა ექნება

ტყიბულში 150 მოსწავლეზე გათვლილი N2 საჯარო სკოლის მშენებლობა სრულდება.

სასწავლო შენობაში საკლასო და დირექციის ოთახების გარდა, გათვალისწინებულია კვების ბლოკი, ექიმის კაბინეტი, ბიბლიოთეკა წიგნსაცავით, საბუნებისმეტყველო ლაბორატორია და მანდატურის ოთახი. სკოლაში, ასევე, მოეწყობა თანამედროვე გათბობის სისტემა და ღია სპორტული მოედანი. შენობა სპეციალური საგანმანათლებლო საჭიროების მქონე მოსწავლეებისთვის სრულად ადაპტირებულია.

სკოლა ძველი შენობის ადგილზე აშენდა, სადაც ავარიული შენობის დემონტაჟი განხორციელდა. ახალ სკოლაში ამჟამად საგანმანათლებლო დაწესებულების შესაბამისი სასკოლო ინვენტარი და ტექნიკით აღჭურვის პროცესი მიმდინარეობს. საერთაშორისო სტანდარტების შესაბამისად მოწყობილი სკოლა, მომავალი სასწავლო წლიდან მოსწავლეებს თანამედროვე გარემოში მიიღებს.

პროექტი, მუნიციპალური განვითარების ფონდის დაფინანსებით განხორციელდა, რომლისთვისაც 2 534 362 ლარი დაიხარჯა.

## დუმბაძის ქუჩაზე ახალი სპორტული მოედანი გაიხსნა



დუმბაძის ქუჩაზე, ხელოვნურსაფარიანი მინი სპორტული მოედნის მშენებლობა დასრულდა. თანამედროვე სპორტული მოედანი ტყიბულის მუნიციპალიტეტის მერმა, დავით ჩერქეზიშვილმა და მუნიციპალიტეტის საკრებულოს თავმჯდომარემ, იოსებ რობაქიძემ ბავშვებთან და ადგილობრივი თვითმმართველობის წარმომადგენლებთან ერთად გახსნეს. „ძიძიგურის სახელობის შახტის“ მიმდებარედ, სპორტული მოედნის მოწყობის

გადანყვეტილება მუნიციპალიტეტის მერიამ ახალგაზრდების თხოვნის საფუძველზე მიიღო. პროექტისთვის ადგილობრივი ბიუჯეტიდან 115 300 ლარი გამოიყო, რომლის ფარგლებში მოეწყო ხელოვნური საფარი, დამონტაჟდა კალათურთის ფარები, ფეხბურთის კარები და გარე განათების სისტემა. მოედანი, ასევე, შემოსაზღვრა ბადეპანელებით.

## „ავიცრათ ერთმანეთისთვის“ - კამპანიის ფარგლებში მოსახლეობასთან შეხვედრები მოეწყო



ვაქცინაციის კამპანიის და მასთან დაკავშირებული წამახალისებელი პროგრამების პოპულარიზაციის მიზნით ტყიბულში მოსახლეობასთან შეხვედრა გაიმართა.

პირველი შეხვედრა მუნიციპალიტეტის თეატრის დარბაზში შედგა, რომელსაც სოფლად მცხოვრები მოსახლეობაც დაესწრო.

ტყიბულის მუნიციპალიტეტის მერმა დავით ჩერქეზიშვილმა მთავრობის წამახალისებელი კამპანიის შესახებ ისაუბრა, რომელიც 50 წლისა და მეტი ასაკის მოქალაქეებზე პირველად აცრის შემთხვევაში 200 ლარიან ერთჯერად დანამატს ითვალისწინებს, ხოლო ამავე ასაკობრივი ჯგუფის პირები ე.წ. ბუსტერ დოზით აცრის შემთხვევაში დამატებით 100 ლარს მიიღებენ. მერმა აღნიშ-

ნა, რომ კამპანიის მიზანი მოსახლეობის სრულად ინფორმირებაა. მისი ჩართულობით, სპეციალური ჯგუფები ცალკეულ ლოკაციებზე იმუშავებენ.

შეხვედრის მონაწილეებს სპეციალური საინფორმაციო ფლაერები დაურიგდათ. პანდემიასთან დაკავშირებულ საფრთხეებსა და იმუნიზაციის აუცილებლობაზე, ასევე ისაუბრეს ა(ა)იპ ტყიბულის მუნიციპალიტეტის საზოგადოებრივი ჯანმრთელობის ცენტრის ხელმძღვანელმა, მადონა ქასრაძემ, სსიპ „საგანგებო სიტუაციების კორდინაციის და გადაუდებელი დახმარების ცენტრის“ ტყიბულის რაიონულმა მენეჯერმა მავდა კობახიძემ და სს „ევექსის კლინიკების“ ტყიბულის კლინიკის მენეჯერმა, იური ელიაშვილმა.

## შემღუდული შესაძლებლობის მქონე პირებს ეძლევი გადაეცათ



მუნიციპალიტეტის მერმა დავით ჩერქეზიშვილმა, საკრებულოს თავმჯდომარემ იოსებ რობაქიძემ და მერიის ჯანმრთელობისა და სოციალური მომსახურების, ბავშვის უფლებების დაცვისა და მხარდაჭერის სამსახურის თანამშრომლებმა ტყიბულის მუნიციპალიტეტში მცხოვრებ ბენეფიციარებს ეტლები გადასცეს და სხვა საჭიროებებზე გაესაუბრნენ.



შემღუდული შესაძლებლობის მქონე 13 პირის ეტლით უზუნველყოფა საერთაშორისო ასოციაციის „საქართველოს ქალები მშვიდობისა და სიცოცხლისათვის“ მხარდაჭერითა და თანადგომით განხორციელდა, რომელთანაც ტყიბულის მუნიციპალიტეტის მერია წლებია თანამშრომლობს.



„საქნახშირი“ ღრმა მწუხარებას გამოთქვამს 2022 წლის 30 იანვარს მომხდარი აფეთქებისას დაღუპული მეშახტის, ჭაბუკა სოფრომაძის გარდაცვალების გამო. უსამძიმრებს

მის ოჯახის წევრებს, ახლობლებს და მეგობრებს.



ლეგენდარული ქართველი სპორტსმენი, ტყიბულის საპატიო მოქალაქე, ქეთევან ლოსაბერიძე 76 წლის ასაკში გარდაიცვალა

ქეთევან ლოსაბერიძე 1980 წელს ოლიმპიური თამაშების გამარჯვებული გახდა. გარდა ამისა, იყო მიუნხენის ოლიმპიური თამაშების მონაწილე (1972, IV ადგილი), მსოფლიოს ორგზის ჩემპიონი გუნდურ ჩათვლაში (1973, 81), ევროპის აბსოლუტური ჩემპიონი (1972) და ორგზის ჩემპიონი გუნდურ ჩათვლაში (1972, 78), სსრკ ორგზის ჩემპიონი (1973, 1979) და ხუთგზის მესამე პრიზიორი (1971, 1972, 1974, 1975, 1981), სსრკ თასის მფლობელი (1972, 1978), სსრკ ხალხთა VIII სპარტაკიადის მეორე პრიზიორი (1979), მილანის (1975, 1980), ლოდის (1976), კიოლნისა (1978) და ლვოვის (1981) საერთაშორისო ტურნირების გამარჯვებული. ქეთევან ლოსაბერიძეს მინიჭებული აქვს სსრკ სპორტის დამსახურებული ოსტატის წოდება, იყო საქართველოს წლის საუკეთესო სპორტსმენი (1980), ბრწყინვალეების საპრემიუმენტო ორდენისა და ვახტანგ გორგასლის II ხარისხის ორდენის კავალერი. 2002 - 2005 წლებში ის საქართველოს მშვიდდონობის ეროვნული ფედერაციის პრეზიდენტიც იყო.

„საქნახშირი“ მწუხარებას გამოთქვამს ქეთევან ლოსაბერიძის გარდაცვალების გამო, უსამძიმრებს მის ოჯახსა და ახლობლებს.

**რამან იამანიძე**  
საგანგებო სიტუაციების კოორდინაციისა და გადაუდებელი დახმარების ცენტრის მორიგე ექიმი

**#მეაპიცერი**  
„ვირუსი გადავიტანე ძალიან მძიმე ფორმით, ამიტომ რეინფიცირება ძალიან დიდ რისკს წარმოადგენს სიცოცხლისთვის. აცრა გვიცავს სიკვდილისგან და მძიმე გართულებებისგან.“

**მანანა წულუკიძე**  
ემერჯენსის ექიმი

**#მეაპიცერი**  
„მე ავიცერი, რათა დავიცვა როგორც ჩემი თავი, ისე გარშემომყოფები.“

**ლია ვერულაშვილი**  
სურსათის ეროვნული სააგენტო

**#მეაპიცერი**  
„მე ავიცერი სოციალური პასუხისმგებლობის გამო. ვაქცინაცია გვიცავს!“

**გრიგოლ სოფროშაძე**  
ძიუღოს მწვრთნელი

**#მეაპიცერი**  
„მე ავიცერი რომ დავიცვა სხვისი სიცოცხლე.“

**ჯემალ ბოცვაძე**  
დამსახურებული მუშახტე, საქართველოს დამსახურებული ქორეოგრაფი, პედაგოგი

**#მეაპიცერი**  
„მე ავიცერი ჩემი და ჩემი ბავშვების უსაფრთხოებისთვის.“

**ოთარ ფანულიძე**  
საქართველოს კუნგ-ფუს ეროვნული ფედერაციის პრეზიდენტი, ტყიბულის კუნგ-ფუს სკოლის ხელმძღვანელი

**#მეაპიცერი**  
„ავიცერი რათა ჩვენს შვილებს აღარ დასჭირდეთ აცრა. გავუფრთხილდე ერთმანეთს.“



# #მეაპიცერი

**გიორგი ჯიბუაძე**  
მუშახტე

**#მეაპიცერი**  
„ნებისმიერი ადამიანი საკუთარ და ირგვლივ მყოფთა ჯანმრთელობაზე უნდა ზრუნავდეს. გარდა ამისა, ჩემი მოქალაქეობრივი ვალაია იმ ადამიანებზე ვიფიქრო, ვისთან ერთადაც ვმუშაობ. იმეტომ ავიცერი, რომ საფრთხე არ შევექმნა სხვებს.“

**ფათიმა რობაჟიძე**  
ტყიბულის N6 საჯარო სკოლის მასწავლებელი

**#მეაპიცერი**  
„გავუფრთხილდე ერთმანეთის სიცოცხლეს. ავიცრათ, რომ დროულად დავუბრუნდეთ ცხოვრების ნორმალურ წესს.“

**მაკა კობახიძე**  
„საქნახშირის“ ადამიანური რესურსების მართვის განყოფილების უფროსი

**#მეაპიცერი**  
„მე ავიცერი, რადგან ვფიქრობ, ვაქცინა არის უკეთესი მომავლის და ცხოვრების ჩვეულ რიტმში დაბრუნების ყველაზე რეალური შესაძლებლობა.“